



KONGSI PANDANGAN: Encik Heng berkongsi pandangannya tentang cabaran dan peluang bagi Singapura dalam dunia yang pesat berubah semasa menyertai sesi dialog di Persidangan Bicentennial Singapura semalam. Bersamanya Duta Kelana, Cik Chan Heng Chee, yang menjadi pengerusi dialog. – Foto BH oleh DESMOND WEE

DPM Heng: Warga bersatu padu genting untuk masa depan S'pura

WARGA yang bersatu padu dan memastikan Singapura kekal relevan dalam dunia adalah genting untuk memastikan masa depan cerah dalam dunia yang pesat berubah, kata Timbalan Perdana Menteri, Encik Heng Swee Keat.

“Dunia sedang pesat berubah dan kita perlu memberi sumbangan kepada dunia... jika tidak tiada sesiapa yang akan peduli tentang kewujudan berterusan kita atau kejayaan kita,” kata Encik Heng yang menerangkan perihal penting memperkuuh hubungan dengan negara jiran terdekat dan negara lain.

Beliau berkata demikian di sesi dialog yang diadakan di Persidangan Bicentennial Singapura di Raffles City Convention Centre malam tadi.

Menjawab soalan tentang caba-

ran yang dihadapi Singapura untuk memastikan ia terus makmur di masa hadapan, Encik Heng berkata perpaduan dalam kalangan rakyat ‘genting’ untuk memastikan Singapura kekal bagi generasi seterusnya.

Persidangan dua hari itu dianjurkan Institut Pengajian Dasar (IPS) dan bertujuan meneroka bagaimana sejarah boleh menjadi sumber penting bagi Singapura menghadapi cabaran dunia yang pesat berubah. Ia berakhir hari ini.

Antara tokoh akademik yang berucap pada hari pertama ialah Encik Peter Frankopan, profesor sejarah dunia Universiti Oxford dan Peter Borschberg, profesor madya Jabatan Sejarah Fakulti Sastera dan Sains Sosial Universiti Nasional Singapura (NUS).